

121 lûte rief der knappe sân:  
 »hîlf got, dû maht wol helfe hân!«  
 der vorder zornes sich bewac,  
 dô der knappe ime pfade lac:  
 5 »dirre tâersche Waleise  
 unsich wendet gâher reise.«  
 einen prîs, den wir Beier tragen,  
 muoz ich von Waleisen sagen:  
 die sint tâerscher denne Beiersch her  
 10 unt doch bî manlicher wer.  
 swer in den zwein landen wirt,  
 gevuoge ein wunder an im birt.  
**D**ô kom geleischieret  
 unt wol gezimieret  
 15 ein ritter, dem was harte gâch.  
 er reit in striteclîchen nâch,  
 die verre wâren von im komen.  
 zwêne ritter heten im genomen  
 eine juncvrouwen in sîme lande.  
 20 den helt ez dûhte schande;  
 in müete der juncvrouwen leit,  
 diu jâmerlîche vor in reit.  
 dise drî wâren sîne man.  
 er reit ein schœne kastelân;  
 25 sînes schildes was vil wênic ganz.  
 er hiez Karnahkarnanz  
 Lah cons Ulterlec.  
 er sprach: »wer irret uns den wec?«  
 sus vuor er zuome knappen sân.  
 30 den dûht er als ein got getân;

vil l. \*G (V T)

der vorderste ([\*]: vorder V) z. \*T (nur U)

gæhe \*G (ohne IL) (V)

den pr., \*G \*T

er vuor in \*T (ohne T)

von (vor L) im wâren k. \*G (ohne Z) vor in wâren k. \*T (ohne T) (G)

e. vrouwen \*G \*T

dûht ez (dvht ez were ein V) \*T (ohne T)

vor (von U) im r. \*G \*T

der ([Er]: Der V) sp.: \*T (O)

\*D: D \*m: m \*G: G I O L Z \*T (U): U V T

1 Initiale O · Majuskel T 3 Initiale T 5 Majuskel T 7 Majuskel T 13 nicht ausgeführte Illustration O · Initiale D m I L Z U V · Majuskel T 23 Majuskel T 27 Majuskel D 29 Majuskel T

1 und begunde dâ mite ruofen sân: \*m 5 er sprach: »dirre tâersche Waleise \*m 6 gâher] gæhe \*m 9 Beiersch] Beiers \*m (L V) 17 wâren von im] von im wâren (werren m) \*m 22 in] ime \*m 24 er] ein \*m 29 vuor] reit \*m